

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. केन्द्री गृह मंत्री अमित शाह होरें अज्ज फरीदाबाद च उत्तरी ज़ोनल काउंसल दी बैठक दी प्रधानता कीती।
2. मुखमंत्री ओमर अब्दुल्ला होरें सउदी अरब च होए दे बस हादसे च भारती श्रद्धालुएं दी मौती पर इंहगा दुख ते बसोस बुज्झेआ ऐ।
3. जल शक्ति मैहकमे दे मंत्री जावेद अहमद राणा होरें मेंढर कस्बे च 50 लक्ख रुपें दी लागत कन्नै गंदे पानी दी निकासी आहली योजना दे पैहले गेड़ लेई अज्ज नींह पत्थर रक्खेआ।
4. भारती सेना दे प्रमुख जनरल उपेन्द्र द्विवेदी होरें आखेआ ऐ जे आतंकवादिएं ते उं'दे समर्थकें गी इक्क बरोबर मन्नियै उं'दे खलाफ कार्रवाई जारी रक्खी जाहग।
5. जम्मू रेलवे स्टेशन सुरक्षा हाईअलर्ट पर - बन्ने आहले जिले पुंछ च पुलसै आतंकवादिएं बारे पक्की सूह देने आहले लेई 5 लक्ख रुपें दे ईनाम दी घोषणा कीती ऐ।

<><><><><><>

Shah-NZC

नार्दन जोनल काउंसी दी बैठक हरियाणा दे फरीदाबाद च गृह मंत्री अमित शाह हुंदी सरपरस्ती च होई। इस बैठक च हरियाणा, हिमाचल प्रदेश, पंजाब, राजस्थान, दिल्ली, जम्मू ते कश्मीर, लद्दाख ते चंडीगढ़ नै हिस्सा लैता। उपराज्यपाल मनोज सिन्हा, मुखमंत्री उमर अब्दुल्ला होरें एहदे च हिस्सा लैता। उन्दे अलावा केंद्र सरकार, राज्य सरकार ते केंद्र शासित प्रदेश दे अफसरें इस बैठक च शिरकत कीती। इस बैठक च राज्य सरकारें, पानी दी बंड सरबन्धी मामलें ते विकास कम्मै पर चर्चा कीती।

<><><><><><>

CM-Maidins Accident

मुखमंत्री उमर अब्दुल्ला होरें अज्ज बड्डलै साउदी अरबिया दे मेडीना च गेदे भारती उमराह् अकीदतमंदें दी बस दे हादसे दा शिकार होई जाने पर दुख ते बसोस जाहिर कीता ऐ। उनें हादसे च मारे गेदे लोकें दे परौआर आहलें कन्नै अपनियां संवेदना जाहिर कीतियां ते घायलें दे तौले नरोए होने दी कामना कीती। शुरूआती रिपोर्ट मुजब एह हादसा उसलै पेश आया जिसले एह बस जेदे च 46 लोक सोआर हे ओह इक

टैंकर कन्नै जाइये बज्जी गई। एह बस मक्का थमां मदीना जा'रदी ही। इस टक्कर च 45 भारती श्रद्धालु मारे गए न।

<><><><><><>

Rana Drainage Project

जल शक्ति मैहकमे दे मंत्री जावद अहमद राणा होरें 50 लक्ख रुपें दी लागत आहली मेंढर कस्बे च गंदे पानी दी निकास आहली योजना दे पैहले गेड़ लेई अज्ज नीह पत्थर रक्खेआ। इस परियोजना गी 10 करोड़ 15 लक्ख रुपें दी लागत आहली इक दुई बड़्डी परियोजना दे तैहत तोढ़ चाढ़ेआ जा'रदा ऐ। उ'नें जोर देइयै आखेआ जे विकास-बाददे आहली इस पैहलकदमी दा मकसद, मेंढर कस्बे च गंदे पानी दी निकासी आहले ढांचे गी आधुनिक ते मता बेहतर बनाना, साफ-सफाई सरबन्धी स्थिति च सुधार आहनना, हाईं थमां बचाऽ आहली समर्थ च बाददा करना ते सार्वजनिक सेहत सरबन्धी मानकें च बड़ा मता सुधार आहनना बी ऐ। इस परियोजना दी शुरुआत, मेंढर कस्बे च ठोस विकास, बेल्ले सिर कम्में दी अमल-आवरी ते सार्वजनिक सुविधाएं गी बेहतरीन ढंगगै'नै लागू करने दी, सरकार दी मजबूत वचनबद्धता गी दर्शादी ऐ। इस सरबन्धे च मीडिया कर्मिं कन्नै गल्ल करदे होई मंत्री होरें आखेआ

<><><><><><>

DGP Tral Visit

जम्मू-कश्मीर पुलसा दे डरैक्टर जनरल नलिन प्रभात होरें पुलस बल दे वरिष्ठ अधिकारिं दे कन्नै हरीपरिगाम त्राल दा दौरा लाइयै शहीद क्राइम फोटोग्राफर जावेद मनसूर हुं'दे परोआर कन्नै मलाटी कीती। इस मौके पर डीजीपी होरें सोगी परोआर कन्नै हमदर्दी ते इकजुटता जतांदे होई उ'नें मैहकमे दी तरफा हर मुमकन मदाद दा भरोसा दोआया। डीजीपी हुं'दा एह दौरा, इयूटी दरान अपनी जिंदु दा बलिदान देने आहले शहीदें दे परोआरें कन्नै खड़े होने दी पुलस मैहकमे दी मजबूत वचनबद्धता गी दर्शादा ऐ। इस मौके पर विशेष महानिदेशक जावेद जिलानी, कश्मीर ज़ोन दे आईजीपी विधि कुमार बिरदी ते दक्खनी कश्मीर दे डीआईजी जावेद मट्टु होर बी डीजीपी हुं'दे कन्नै उत्थे मजूद हे।

<><><><><><>

Reasi-Nasha Muk

रियासी जिले च समाज कल्याण विभाग दे बैनर हेठ नशा मुक्त अभियान दे 5 शानदार ब'रे पूरे होने दे मौके पर कार्यक्रम दा आयोजन कीता गेआ। एह गैह, समाज थमां नशे दी कवैतू गी खत्म करने दी जिला प्रशासन दी वचनबद्धता गी दर्शादी ऐ। इस मौके पर समाज कल्याण विभाग आसेआ जिले दे होरनें शिक्षा संस्थानें दे सैहयोग कन्नै इक बड़्डी जागरूकता रैली दा सरिस्ता कीता गेआ। सैंकड़ां बद्धे विद्यार्थिं, अध्यापकें, स्वयंसेविं ते अधिकारिं गी पूरी सक्रियता कन्नै इस कार्यक्रमै च हिस्सा लैता। इस मौके पर उ'नें हत्थें च तख्तियां फगड़ी दिआं हिआं जिंदे राहें उ'नें समाज च नशे दे माड़े नतीजें दा स्नेहा

दिंदे होई नौजवानें गी नशे दी लत दा बचने लेई सोहगा-सतर्क बी कीता। इस बारें होर जानकारी दिंदे होई रियासी दे एडीशनल डिप्टी कमिशनर राकेश कुमार होरें गलाया.

<><><><><><>

ते हुन बाकि दिएं खबरें कन्नै श्रुति खजुरिया।

Army-Chief

भारत आतंकवाद ते उन्दे समर्थकें गी इक्कै लेखा मन्नोग। भारत आतंकवाद दा तगड़ेआई कन्नै परता देग। एह गल्ल सेना प्रमुख जनरल उषेंद्र द्विवेदी होरें अज्ज पाकिस्तान गी सख्त स्नेहा दिंदे होई आकखी। उनें आखेआ जे भारत दे रिश्ते चीन कन्नै पिछले इक बरें च सुधरे न। दौनें मुख्यें बश्कार गल्लबात बी होई ऐ। बन्ने पार आहले आतंकवाद बारें जनरल द्विवेदी होरें आखेआ जे नमीं दिल्ली नै न्यू नार्मल नीति हुन पाकिस्तान खिलाफ अपनाई ऐ ते हुन गोआंडी मुख्य आस्तै भारत गी निशाना बनाने आहले आतंकवादी संगठनें गी मदद देना ओहदे लेई चुनौतीपूर्ण होई सकदा ऐ। उनें आखेआ

<><><><><><>

Security-Intensified

हाल च गै सफेदपोश आतंकी गिरोह दा पर्दाफाश होने दी घटना सामने औने दे मगरा जम्मू रेलवे स्टेशन पर सुरक्षा बवस्था होर निगगर करी दिती गई ऐ। इस मौके पर पुलस ते अद्द-फौजी बलें आसेआ अज्ज दपैही जम्मू रेलवे स्टेशन पर औने-जाने आहले जातरिएं दे समेयान दी चानचक्क जांच कीती गई। सुरक्षा सरिस्तें दी सराहना करदे होई इक रेल जातरी इस इस सरबंध्य च आखेआ

तोआई सार्वजनिक सुरक्षा आहली इक महत्वपूर्ण पैहलकदमी दे तैहत आतंकवाद खलाफ लड़ाई च सामुदायिक भागीदारी गी मजबूत बनाने दे मकसद कन्नै बन्ने आहले जिले पुंछ च जम्मू-कश्मीर पुलसै, जिले दे कुसै बी हिस्से च आतंकवादिएं दी नकलो-हरकत बारें पक्की सूह देने आहले गी 5 लक्ख रपे दा ईनाम देने दा ऐलान कीता ऐ। पुलसै जकीन दोआया ऐ जे इस बारें सूह देने आहले व्यक्ति दी पन्छान गुप्त रक्खी जाहग तांजे उं'दी सुरक्षा कन्नै कुसै किस्मै दा कोई समझौता नेई होऐ।

<><><><><><>

Rajouri-Half Marathon

राजौरी पुलस आसेआ 23 नवंबर-2025 गी हॉफ मैराथन दा सरिस्ता कीता जा'रदा ऐ। एहदा विशेषार ऐ हर इक गैंs एकता लेई ते हर मील नशीले पदार्थें खिलाफ इस कार्यक्रम दा मकसद ऐ समुदायिक सद्भाव गी बदाना ते नशदीले पदार्थें दे माड़े असर बारें जागरूकता पैदा करना, खास करी युवाएं च। अधिकारिएं मुजब मैराथन च बक्ख-बक्ख श्रेणिएं च हिस्सा लैता जाई सकदा ऐ। पुलसै मेद जाहिर कीती ऐ जे एहदे

कन्नै ना छड़ा सेहतमंद जीवन शैली अपनाने गी बढ़ावा थहोग, सगुआं समाज च नशीले पदार्थे खिलाफ जागरूकता बी पैदा होग।

<><><><><><>

Poonch-Girls Hockey

केंद्र शासित प्रदेश सतह दी इंटर डिविजन गर्ल्स हॉकी प्रतियोगिता अज्ज पुंछ च खडारिं दे उत्साह ते खेड्ड आहली भावना कन्नै शुरू होई। इस कार्यक्रम च केंद्र शासित प्रदेश सतह दियां 6 टीमां हिस्सा लै' रदियां न। एह् डिविजनल सतह दी पैहली हॉकी प्रतियोगिता ऐ। इस प्रतियोगिता दा डिस्ट्रिक्ट इंफार्मेशन आफिसर पल्लवी वर्मा होरें उद्घाटन कीता। अपने संबोधन च पल्लवी वर्मा होरें युवाएं गी खेड्डें च बेहतर प्रदर्शन करने लेई प्रेरित कीता। उनें आखेआ

<><><><><><>

JMC-Green Colony

जम्मू नगर-निगम दे आयुक्त डॉ. देवांश यादव होरें वार्ड नंबर 50 छन्नी हिम्मत दा दौरा लाइये उत्थे रौहने आहले लोकें गी ग्रीन कालोनी जतन च बदी चढ़िए हिस्सा लेने लेई आखेआ। एवरग्रीन पार्क एसोसिएशन कन्नै गल्ल करदे होई उनें सैनिक कालोनी दे सफल कार्यक्रम गी उजागर कीता ते पर्यावरण अनुकूल तौर-तरीके अपनाने पर जोर पाया। डॉ. देवांश होरें आखेआ जे लोकें दी शमूलियत ते सहयोग साफ, स्वच्छ ते हरे-भरे जम्मू लेई अत जरूरी न। उनें साफ-सफाई आहली सेवाएं दा बी जायजा लैता ते अमले गी हिदायत कीती जे ओह नियमित तौर पर साफ-सफाई करन ते कचरे दे सेई चाल्ली प्रबंधन गी यकीनी बनान।

<><><><><><>